

第二十五屆五虎崗文學獎新詩組推薦獎——林投姐

文劉兆恩（中文系）

猶原會使聽著伊在啼哭

我的囡兒

佇這個無緣的林投樹腳

我的淒涼隨樹飄搖，風雨未停

水聲風聲聲聲無奈

聲聲的無奈追我太緊

（我把衣帶緩緩繞過尪囡的領頸，出力）

心肝囡，不通驚

阿母未攔讓你孤單讓你寒

呵 總是注定的薄命

注定不願相信汝是浪蕩子啊，哪堪怨嘆

人在多講話，七少年八少年的你我

曖昧的身影

（我靜靜偎置汝的胸坎，看惜別的安平港，聽信任的心聲）

總是困在使人未喘氣的溫柔

你當天咒誓，痴迷我固執削瘦的等待

日日夜夜

多情的無情的都是，歲月啊

伊漸漸在流，話漸漸在淡

可憐一個死尅的少年查某，卻去姘著有某的浪蕩子

（我靜靜偎置門後壁，眼淚未煞，滴落腹肚日日大）

總是做憨人的運命

呵呵運命，你可有聽見我餒死寒死的心肝

定定續在思念的尾聲，唱就木的哀歌

呵呵運命，是牽連阮母囡的衣帶，

是未開的死結

（我將衣帶甩過樹樑，搖搖晃晃）

呵呵乖囡，我的乖囡

雖然汝的阿爸無愛咱

不過阿母絕對未攔讓你孤單，

未攔讓你寒



圖陳頤華